

弓長翁者傳云踐約來會萬三請見則三丰祖師也祖師笑曰猶記東南氣盛西南相見之語乎萬三爽然因與煉天元服食大藥明年始成萬三與全家餌之皆能冲舉

圓通子曰撒手貲財即成上仙其濟濟已多矣

游鶴鳴山

洪武末有道人游邛之鶴鳴山山有二十四洞以應二十四氣道人入山時石鶴復鳴人咸驚異居半載入天谷洞不出洞門書三丰游此四字時已一百餘歲矣蜀通志作三百餘歲似誤

圓通子曰奇

題詩警禍

道藏輯要

三丰全集

顯蹟

五

續畢集七

川，又8

建文嗣位初戶部門前薄暝有老翁閒步如土地形狀者風過處忽不見明晨覘雙扉上於右扉題一詩云燕子將營壘一作巢閣龍孫不在潭波平風又起海上問三三末三字寫於雙扉交關處人多不解戶部侍郎卓敬見之以為三字寫門中蓋借門縫作丰字中畫也心知為三丰仙翁並念燕子者是指燕王龍孫者是指建文其語殊凶其字旋落卓乃密疏請徙封燕王隸於南昌萬一有變尙可控制疏入竟不聽

圓通子曰卓侍郎聰明可愛惜忠言逆耳致使燕封篡位吾師其亦不得已而題詩歟不然豈不知建文之不聽哉

混洞原師